

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. IV. De Regno Christi.

urn:nbn:de:hbz:466:1-13826

minus quam alii homines, quod etiam forte intendebat Elianus, dum ipsum leprosum vocabat. Quod si quis contendat nomen servi absolute prolatum importare, ut qui servus est, sit omnino, seu secundum omnia sub dominio alterius, clarum est Christum non esse servum, cum quod suppositum non sit sub dominio Dei, sed ei in omnibus aequalis, sive totalis recidet in questionem de nomine.

SECTIO TERTIA.

De Sacerdotio & Mediatione Christi.

I.
Indubita-
tum est
Christum
verè & pro-
priè fuisse
Sacerdotem.

CHISTUM verè ac propriè Sacerdotem esse fide certum est, tum ex definitione Concilii Tridentini sess. 22. can. 1. & 2. tum ex Epistola ad Hebreos, ubi Apostolus ex professore probat Christi sacerdotium. Unde psal. 109. vers. 4. de Christo dicitur: *Tu es Sacerdos in eternum.* Ratio est: Quia Christus ex hominibus assumptus est, & constitutus à Deo pro hominibus in iis, quae sunt ad Deum, nempe ad ipsos cum Deo reconciliando, quem in finem se, & vitam suam per verum sacrificium cruentum versus ipse Sacerdos simul & hostia in arce Crucis obtulit. Deinde, ut docet Concilium Tridentinum loco citato, obtulisse Deo Patri in coenâ, instituens simul & offerens Eucharistie sacrificium, illudque modo ut supremus Pontifex & Sacerdos, Sacerdotum ministerio quotidie in Ecclesiâ offert.

II.
Quamvis
Christus in
Cruce non
se interfec-
rit, verè sa-
mense faci-
scavit.

Dices: Christus non se sacrificavit in Cruce, cùm se non interficerit, ergo quod hoc non fuit Sacerdos. Respondetur, verè Christum in Cruce se sacrificasse, licet se non interficerit, ad sacrificium enim non requiritur ut ipsa mortis macratio physicè à Sacerdote perficiatur, sed sufficit quod mortali quedam modo ab ipso assumatur, & in sacrificium offeratur, quod fecit Christus voluntariè se Patri in cruce offerendo.

III.
Hinc tamen
non sequitur
Martyres
sacrificare
seipso, dum
se ad mortem
offerunt.

Quòd si urges, hinc sequi Martyres se in sacrificium offerre, & agere Sacerdotes, cùm mortem volentes acceptent. Respondeo, disparem esse rationem de Martyribus & Christo, primò, quia Martyres non sunt à Deo constituti ut offerant sacrificium: Secundò, & præcipue quia licet Martyres voluntariè mortem acceptarent, ita tamen eam acceptarunt ut nec tyrannos impidire potuerint quo minus morte eos afficerent, nec in ipsi tormentis vitam diutius conservare, quā naturæ leges patiebantur, horum autem utrumque erat in potestate Christi, unde diverso modo se obtulit, quam Martyres, & peculiari ratione animam posuit.

IV.
christus fuit
Rex simul &
Sacerdos se-
cundum or-
dinem Mel-
chisedech.

Fuit ergo Christus Sacerdos secundum ordinem Melchisedech, Rex simul & Sacerdos, que sub speciebus panis & vini Deo in sacrificium obtulit. Hoc tamen ita intelligendum est, non quod sacerdotium Christi ejusdem fuerit ordinis cum sacerdotio Melchisedech, hic enim typus tantum erat & figura Christi, ac proinde sacerdotium Christi multis gradibus excellebat sacerdotium Melchisedech, & propterea dicitur Christus Sacerdos secundum ordinem Melchisedech, quia hic singularem præ se tulit figuram sacerdotii, & sacrificii Christi.

V.

Quæres: quo pacto Christi sacerdotium sit

aternum. Respondetur, quia Christus per suos ministros quotidianè offert sacrificium incruentum, qua in re ipse est priuarius offerens, & hoc sacrificium ad finem usque sæculi, quod in divinis literis aternum appellatur, permanebit. Deinde dignitas sacerdotalis in Christo semper manebit, ut postea dicitur. Tertio: Sacerdotium Christi durat semper quoad effectus, reconciliationem scilicet nostram cum Deo, Sanctorum beatitudinem, &c.

Dices: Si Christus ideo sit Sacerdos secundum ordinem Melchisedech, quod sacerdotium Melchisedech fuerit typus sacerdotii Christi, ergo similiter Christus erat Sacerdos secundum ordinem Aaron, cùm sacerdotium & sacrificium Aaron non minus representaverint sacerdotium & sacrificium cruentum Christi, quam Melchisedech incruentum. Negatur consequentia:

Quia sacrificia legalia tantum representabant sacerdotium Christi secundum statum vite passibili, per quod sacrificium absolenda erant sacrificia omnia legalia. Sacrificium verò, & sacerdotium Melchisedech representabant sacrificium & sacerdotium Christi ut erat in aternum duratum, vel in Ecclesiâ militante, ubi Christus primariò semper hoc sacrificium offert, sive in Hebreos in aternum idem est quod in sæculum: vel in triumphante, ubi Christus perpetuè insesterit hoc commemorat, & gratias agendo Sacerdos minus in aternum exercet. Unde sicut lex scripta, quamvis legem gratiæ præfiguraverit, non tamen dici potest hoc esse secundum ritum legis scriptæ, quæ per legem gratiæ est abolita per Christum, ita nec sacerdotium: lex verò naturalis non est abolita per Christum, ergo nec sacerdotium Melchisedech, quod erat sacerdotium legis naturæ, sed perfectum est per Christum, cuius typum gessit.

Quæres: Secundum quam naturam sit Christus Sacerdos, & eadem est quæstio de mediatore. Pater Canisius libro primo de Corruptelâ Verbi Dei, & Bellarminus libro primo de Christi mediatorate referunt & refutant hereticos, qui Christum secundum divinitatem mediatoris munus integrè obeunt ponunt.

Dicendum hunc hominem, & consequenter Verbum & Deum per communicationem idiomatum dici possit mediatorem Dei & hominum, nec in hoc major est difficultas, quā in titulo redemptoris. Si tamen tribuamus singula singularis, supponit divinum est principium quod dicitur Dei cuitribuit actio mediandi, principi un verò quo, & hominū, seu à quo actio illa procedit, est humanitas. Nec divinitati ergo nec humanitati in abstracto potest Mediatoris munus adscribi: ratio est clara, quia nec divinitas sine humanitate exercere potest actus mediandi, seu satisfactorios & meritorios, nec humanitas sine divinitate, cùm sine hac condigne meritoria remissionis offense hominum & reconciliationis peccatorum cum Deo nulla opera esse possint.

SECTIO QUARTA.

De Regno Christi.

Q uo ad regnum Christi, quorundam opinio fuit, Christum tanquam filium Beatae Virginis, vel saltem ut filium legalem Joseph, hauiisse hereditario jure Regem Iudeorum, quod nonnullis

344 Disp. LIX. De Sacerdotio & Mediazione Christi. Sect. IV.

TOM. II.

*Jus e Christo
fuisse debi-
tum.*

nonnullis Scripturæ testimoniis probant, ut ex illo Jeremias: *Suscitabo David gerumen justum, & regnabit Rex, & sapiens erit: & tu Bethleem terra Iuda nequaquam minima es in Principibus Iuda, ex te enim exierit dux qui regat populum meum Israël,* Mich. 5. Deinde interroganti Christum Pilato, *Tu es Rex Iudeorum?* respondit Christus, *Tu dicas.*

II.

*Dicendum
nihilominus,
Christum
nullum jus
heredita-
rium huma-
num habui-
se in regnum
Iudeorum.*

Contrarium tamen est tenendum, Christum scilicet nullum jus humanum hereditarium habuisse in regnum Iudeorum: quare prior sententia ab omnibus rejicitur, ut notat Tannerus hic, quæst. 7. dub. 4. num. 66. Ratio est primò: Regnum quippe illud in Scripturâ Messia promisum, non fuit temporale, sed spirituale, ergo nullum est fundamentum afferendi Christum fuisse temporalem Regem Iudeorum. Secundò: Quia nullo modo ostendi potest regnum temporale Iudeorum ad Beatam Virginem, vel Sanctum Josephum pertinuisse, præsertim cùm ex Scripturâ ostendatur regiam stirpem Davidis jam dudum in Ieronimâ cœssasse, de quo dicitur Jeremias 22. vers. 30. *Scribi virum istum sterilem, vi-
rum, qui in diebus suis non prosperebit, nec enim
erit de semine ejus vir, qui sedeat super solium Da-
vid, & potestatem habeat ultra in Iuda.* Quæ tamen verba, ut notat S. Hieronymus, intelligenda sunt de regno temporali, Christus enim quoad regnum spirituale, sedit postea in solio David, & regnum illud retenturus erat in eternum. Quare in captivitate Babylonica cœssavit successio in regnum, & substituti sunt Judices.

III.

*Regnum
Christi in
Scripturâ
promisum
fuit spiri-
tuale,*

Certum autem est & indubitatum apud omnes, Christum ratione regni spiritualis habuisse jus & potestatem indirectam utendi rebus omnibus temporalibus, potestas enim spiritualis Christi debebat esse perfecta, & consequenter habere debuit vim utendi omnibus in ordine ad finem suum: quare cùm temporalia ad spiritualia tanquam ad finem ordinentur, potestas spiritualis illius manca fuisset, si dominium hujusmodi indirectum in res temporales non habuisset: quo sensu verum est quod de se dixit Christus: *Data est mihi omnis potestas in cœlo & in terra.*

IV.

*Habueritne
Christus
dominium
etiam direc-
tum in Re-
ges hujus
mundi, &
regna.*

Quaritur: Utrum habuerit Christus dominium etiam directum in Reges & regna temporalia. Hac in re rejiciendus in primis est error Marcellii Patavini damnatus à Joanne XXII. Dicebat enim Christum non solum non fuisse Regem temporale, sed etiam jure fuisse Regibus subjectum & ad solvenda tributa, & alias eorum ordinationes servandas obligatum. Hoc ergo errore omisso,

V.

*Christus
dominium
directum
habuit in
omnes res
creatas.*

Dicendum, Christum ut hominem habuisse excellens quoddam dominium directum in omnes res creatas, ita ut de iis potuisset disponere: ita Suarez, Vasquez, & alii. Probatur primò ex illo Apocalypsi, ubi dicitur Christus *Principes Regum terra, & cap. 19. appellatur Rex Regum, & Dominus Dominantium.* Item prima ad Corinthios 15. de Christo dicitur: *Omnia subjecta sunt ei, prater eum qui subiecit ei omnia:* tandem de se dicit Christus Matthæi ultimo: *Data est mihi omnis potestas in cœlo & in terra:* quæ omnia aperte probant collatam esse Christo potestatem quandam ad res omnes, & consequenter regnum omnibus & Regibus cum fuisse superiorum.

Objicitur primò illud Joannis 18. ubi Christus de se dicit: *Regnum meum non est de hoc mundo*, ergo Christus non habuit potestatem regiam temporalem. Respondetur in primis ex hoc testimonio haberi Christum fuisse Regem, hoc enim nomine se hic appellat; quod vero dicat regnum suum non esse de hoc mundo, solum negat se potestatem illam habere more aliorum Regum, nempe eo titulo acquisitam, quo illam acquirent ipsi, nec etiam eo modo esse administrandam, per milites scilicet, & vires externas, quibus contra Judeos se defendenter. Unde de hoc Christi regno ait Sanctus Chrysostomus Homiliâ 82. in Joannem: *Erat quidem Rex Christus, non talis, qualis ab hominibus fit, sed talis ut homines Reges ficeret.* Et Sanctus Augustinus tractatu 115. ait nos dixisse Christum, *Regnum meum non est hic, seu in hoc mundo, sed non est hic, nec de hoc mundo.*

Objicitur secundò: Christi regnum ubique in Scripturis dici spirituale, ergo nullum argumentum est, quo probetur fuisse temporale. Ref. ponetur: Licet regnum ejus, quod prædicatorum à Prophetis, fuerit spirituale, nil tamen obstat quo minus potestatem etiam temporalem habuerit disponendi de rebus omnibus terrenis. Neque hoc obstat quo minus Christus hortaretur homines ad contemptum rerum terrenarum, & amorem paupertatis, ad hoc namque sufficiens non habuisse Christum usum & dominium terrenum ejusmodi rerum, & splendorem illum ac pompam, quæ Reges in hoc mundo utuntur.

Objicitur tertio: Hinc sequi Reges omnes, qui tempore Nativitatibus Christi erant in mundo, fuisse orto Christo regnis suis privatos. Negatur, consequentia: Dominum enim Christi altioris ordinis erat, & non tollebat dominium privatum Regum, sicut nec illud tollit dominium Dei, do existimat quod habet in res omnes excellentissimum. Ad te, fuisse quam rem appositè S. Augustinus loco citato: *Regnum meum non est de hoc mundo, tacite, inquit, dixit ad omnes Reges terra, nolite timere, non impedio dominationem vestram.* Multo minus sequitur quod inferunt aliqui, terrenos omnes Reges esse vicarios Christi, non enim eos loco suo substituit, nec leges illas condidit, quas ab iis in terrenarum rerum administratione loco suo observari voluit, sicut fecit in spiritualibus, quod tamen Regibus respectu suorum substitutorum familiare est. Quare cùm Sanctus Thomas dicit Augustum Cælarem à nato Christo fuisse ipsum vicarium, intelligentius est, quod habuerit Christus ejusmodi superiorum potestatem in Augustum & alios Reges, ut potuerit illos regnis suis pro libito privare, non tamen quod strictè fuerit illius vicarius, sicut dicuntur subinde divites Dei œconomi.

Ratio autem horum omnium est, quia humanitas Christi per unionem fuit infinitè dignificata: sicut ergo ratione hujus dignitatis non debebat ut Christus quæ homo subester ulli Principi terreno, ita conveniens fuit ut cunctis esset superior, iisque imperaret, & de rebus omnibus disponeret pro libito, quæ potestate usum illum putant aliqui, quando demones in porcos dimisit, quando etiam in die palmarum iussit discipulos adducere asinam, & interrogantibus respondere: *Dominus ejus opus habet.*

DISPU-